



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-342-11/22**

Datum: **07.04.2023. godine**

«Agencija za vodno područje rijeke Save» Sarajevo rješavajući po zahtjevu pravnog lica «AME» d.o.o. Breza za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta farme za tov pilića u Industrijskoj zoni „Potkraj” u Brezi, na osnovu člana 109. stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), **donosi**

R J E Š E N J E **o vodnoj dozvoli**

1. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1., Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 16. tabele, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
2. U ostalom dijelu rješenje ostaje nepromijenjeno.

O b r a z l o ž e n j e

Pravno lice «AME» d.o.o. Breza, dana 30.06.2022., podnio je zahtjev za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta farme za tov pilića, kapaciteta 25.000 pilića/turnus, izgrađenog u Industrijskoj zoni „Potkraj”, na zemljištu označenom kao k.č. broj: 1070/2, K.O. Mahala, općina Breza, a u postupku pribavljanja odobrenja za upotrebu.

Agencija je donijela rješenje o vodnoj dozvoli broj: UP-1/21-3-40-342-4/22 dana 10.08.2022. godine na koje je pravno lice „AME” d.o.o., Breza izjavilo žalbu dana 26.08.2022. godine Federalnom ministarstvu poljoprivrede, vodoprivrede i šumarstva kao drugostepenom organu. Drugostepeni organ je uvažio žalbu, poništio tačku 3. Rješenja i vratio predmet prvostepenom organu na ponovni postupak.

U obrazloženju svog Rješenja drugostepeni organ traži da se navedena tačka 3. Rješenja obrazloži sa razlogom kojim se nameće obaveza plaćanja posebne vodne naknade naročito tačka 16. Tabele u kojoj nije naveden koeficijent zagađenja za piliće.

Drugostepeni organ je uvažio žalbu pravnog lica „AME” d.o.o., Breza, poništio tačku 3. Rješenja Agencije i vratilo predmet na ponovni postupak. U ponovljenom postupku je zatraženo objašnjenje Službe za prikupljanje prihoda po osnovu posebne vodne naknade aktom broj: UP-1/21-3-40-342-9/22 dana 28.10.2022. godine na koji način je žalitelj obveznik plaćanja posebne vodne naknade u skladu sa tačkom 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada.

Služba je dostavila odgovor broj: 50-1233-1/22 dana 15.11.2022. godine u kojem je dala obrazloženje da ukoliko je utvrđeno da pravno lice ispušta otpadne vode onda je isti obveznik plaćanja posebne vodne naknade tako što popunjava tablicu koeficijenta zagađenja za tačku 2., tačku 24 i tačku 16. ukoliko ima kokoši.

Podnosilac zahtjeva opće vodne naknade plaća kao registrovani djelatnik, a PVN za zaštitu voda po osnovu tereta zagađenja nastalog kao posljedica rada predmetne farme. Obračunava se množenjem količine zagađenja voda u toku obračunskog perioda izraženog preko ekvivalentnog broja stanovnika (EBS) i sa visinom ove PVN (a to je 2,00 KM po I ES (ekvivalentni stanovnik). Obračunavanje i plaćanje PVN se vrši do 20. u mjesecu za prethodni mjesec. Obavezan je utvrditi ekvivalentan broj stanovnika (popunjavati obrazac (EBS) - Izvještaj o obračunu broja ekvivalentnih stanovnika i popunjene i ovjerene obrasce dostavljati mjesečno mjesno nadležnoj agenciji za vode, do 10-tog tekućeg mjeseca za prethodni mjesec).

Nadležni organ nije ovlašten da u ovom slučaju rješava predmet po slobodnoj ocjeni nego samo i isključivo primjenom važećih provedbenih propisa kojima je uređena ova oblast, a koja za ovaj tip zagađivača kao jedinicu obračuna posebnih vodnih naknada uvodi prema Pravilniku o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada obračunsku jedinicu EBS. Sastavni dio navedeno Pravilnika je i Tabela koeficijenata zagađenja koja se primjenjuje za specifične djelatnosti (u ovom slučaju farma pilića) pri čemu se vrijednost koeficijenta navedeni u predmetnoj tabeli koriste kao obračunsko sredstvo za iskazivanje novčanog ekvivalenta koji je nosilac prava iz vodne dozvole dužan plaćati na ime ispuštanja otpadnih voda.

Što se tiče otpadnih voda u ovom slučaju, Federalno ministarstvo poljoprivrede, vodoprivrede i šumarstva je svojim aktom broj: 06-24/18-sl/15V.M. dana 14.12.2015. godine informisalo sektor voda da propisi iz oblasti veterinarstva ne poznaju klasifikaciju tehnološko/industrijskih otpadnih voda, te da farme moraju ispoštovati uslovi iz člana 13. Pravilnika o uvjetima kojima moraju udovoljiti farme i uvjetima za zaštitu životinja na farmama („Službeni glasnik BiH“, broj: 46/10).

Na osnovu izloženog i nakon uvida u dokumentaciju spisa predmeta koji su nam dostavljeni, te ispitivanjem i ocjenom istih, uz proučavanje važećih zakonskih propisa, ovaj organ nalazi da je tačka 3. Rješenja donesena pravilno i da je na zakonu osnovana.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Dostaviti:

- «AME» d.o.o.
- Ul. Branilaca grada bb, 71370 Breza
- ⊖ AVP Sava, ISV-vodna knjiga
- sektor 50
- sektor 40 – arhiva
- oglasna ploča – AVP Sava

Po ovlaštenju:
Rukovodilac sektora za izdavanje
vodnih akata



Haris Ališehović
Haris Ališehović, dipl.inž.građ.



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-342-4/22**

Datum: **10.08.2022. godine**

«Agencija za vodno područje rijeke Save» Sarajevo rješavajući po zahtjevu pravnog lica «AME» d.o.o. Breza za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta farme za tov pilića u Industrijskoj zoni „Potkraj” u Brezi, na osnovu člana 109. stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), donosi

RJEŠENJE **o vodnoj dozvoli**

1. Pravnom licu «AME» d.o.o. Breza daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta farme za tov pilića, kapaciteta 25.000 pilića/turnus, izgrađenog u Industrijskoj zoni „Potkraj”, na zemljištu označenom kao k.č. broj: 1070/2, K.O. Mahala, općina Breza.
2. Vodna dozvola se daje na osnovu pregleda dostavljene dokumentacije, uviđaja na objektu, utvrđenog činjeničnog stanja i uz sljedeće uslove:
 - 2.1. Da se upotreba i korištenje predmetnog objekta farme vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se spriječi nekontrolisano rasipanje tečnog i krutog otpada po okolnom zemljištu te da se aplikacija đubriva na poljoprivredne površine vrši u skladu sa pravilima dobre poljoprivredne prakse i van područja vodnog dobra i zona sanitarne zaštite izvorišta vode za piće, a u cilju zaštite površinskih i podzemnih voda.
 - 2.3. Da korisnik obavezno praktikuje suho čišćenje prije pranja vodom, da bi se uklonile organske nečistoće sa radnih površina, trošilo manje vode za pranje i time smanjilo zagađenje u otpadnim vodama.
 - 2.4. Otpadne vode koje nastaju u toku pranja objekta nakon završenog turnusa, prikupljati u sabirnu/osočnu jamu bez ispusta koja će se povremeno čistiti.
 - 2.5. Čišćenje i pražnjenje vodonepropusne sabirne jame može vršiti isključivo firma ovlaštena za tu vrstu djelatnosti, prema posebnom ugovoru.
 - 2.6. Objekte čija je svrha odvođenje i prikupljanje otpadnih voda treba redovno održavati i koristiti na način koji će obezbijediti njihovu potpunu ispravnost i funkcionalnost.
 - 2.7. Da se privremeno i trajno zbrinjavanje otpada od uginulih pilića i drugih nusproizvoda vrši u skladu sa Zakonom o veterinarstvu, Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša, a u cilju zaštite voda, tla, zraka i dr.
 - 2.8. Ne dozvoljava se odlaganje na otvorenom prostoru i unošenje opasnog i neopasnog otpada, koji nastaje kao nus produkt u procesu rada farme, u vodotoke i obale rijeka.
 - 2.9. Investitor je obavezan pridržavati se svih mjera i uslova, propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1., Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 16. tabele, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U periodu važenja ove dozvole, Korisnik je dužan provoditi sve mjere i aktivnosti propisane istom.

5. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ukoliko prilikom upotrebe predmetnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
9. U ovoj upravnoj stvari plaćene su sve upravne takse.
10. Ova vodna dozvola, shodno članu 117. stav 1. Zakona o vodama se daje sa rokom važenja od 5 (pet) godina od dana pravosnažnosti ovog Rješenja.
11. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice «AME» d.o.o. Breza, dana 30.06.2022., podnio je zahtjev za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta farme za tov pilića, kapaciteta 25.000 pilića/turnus, izgrađenog u Industrijskoj zoni „Potkraj“, na zemljištu označenom kao k.č. broj: 1070/2, K.O. Mahala, općina Breza, a u postupku pribavljanja odobrenja za upotrebu.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 043-0-RegZ-22-001271 od 28.04.2022. izdatog od Općinskog suda u Zenici,
- Ovjerena kopija Uvjerenja o poreznoj registraciji od 13.09.2005. izdatog od Porezne uprave FBiH-Kantonalni ured Zenica,
- Dokaz o uplaćenju upravnoj taksi,
- Kopija Rješenja o odobrenju za građenje broj: 12-19-6634/20 od 28.01.2021. izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o veterinarsko-zdravstvenoj saglasnosti na projektnu dokumentaciju broj: 05-24-2660-4/18 od 22.06.2020. izdatog od Ministarstva za poljoprivredu, šumarstvo i vodoprivredu Zeničko-dobojskog kantona,
- Kopija Rješenja o okolinskoj dozvoli broj: 12-23-10797/19 od 09.06.2020. izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o vodnoj saglasnosti broj: UP-I/25-2-40-527-2/19 od 11.11.2019. izdatog od «Agencija za vodno područje rijeke Save» Sarajevo,
- Glavni projekat – vanjske hidroinstalacije – farma za tov pilića, šifra: 61.VS.PER.IX/19, septembar 2019., urađen od «PERSPEKTIVA-inženjering» d.o.o. Visoko (na uvid).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19 i 41/20), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-342-3/22 od 03.08.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Objekat farme za tov pilića izgrađen je u Industrijskoj zoni „Potkraj“ u Brezi. Objekat za uzgoj je P+2. Kapacitet farme je do 25.000 brojlera/turnus.
- Otpadne vode od pranja objekta nakon završenog turnusa se prikupljaju sistemom slivnika i kanalizacione mreže i odvoje do armirano-betonske sabirne jame bez ispusta, koja će se periodično čistiti. Prikupljanje otpadnih voda je urađeno u skladu sa projektnom dokumentacijom na osnovu koje je, od strane ove Agencije, izdata vodna saglasnost broj: UP-I/25-2-40-527-2/19 od 11.11.2019.
- Đubrivo se nakon završenog turnusa odvozi na poljoprivredne površine, bez zadržavanja na otvorenom prostoru farme.
- Snabdijevanje vodom je obezbijeđeno sa gradskog vodovoda kojim upravlja JP «KOMUNALNO» d.o.o. Breza. Za zahvat vode i ispuštanje sanitarno-fekalnih otpadnih voda je od strane Ministarstva za poljoprivredu, šumarstvo i vodoprivredu Zeničko-dobojskog kantona izdat Zaključak o odbacivanju jer nema uslova za pokretanje postupka broj: 05-25-02655-1/18 od 13.04.2018. godine.

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom, u tački 2. dispozitiva ovog Rješenja, propisani uslovi u skladu sa članom 115. do člana 118. Zakona o vodama („Službene novine Federacije BiH“, broj 70/06) i članom 12. i 13. Pravilnika o sadržaju, obliku, uslovima, načinu izdavanja i čuvanja vodnih akata.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je pravno lice «AME» d.o.o. Breza, ispunio minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta farme, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-342-2/22 od 05.07.2022.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta: Sanja Milić, građ.ing.

Po ovlaštenju:
Rukovodilac sektora za izdavanje
vodnih akata



Haris Ališehović, dipl.inž.građ.

Dostaviti:

- «AME» d.o.o.
Ul. Branilaca grada bb, 71370 Breza
- ➔ AVP Sava, ISV-vodna knjiga
- sektor 50
- sektor 40 – arhiva
- oglasna ploča – AVP Sava